



Na Ta in Khancil Naupang Pilsinna leh Donna Nasepna (Early Childhood Education and Care Services) a Meeeltheihna ding Panpihna

CHIN ZOMI

Naupan ciil pilsinna ah a hoih kipatna pen mah mah hi. Nang leh na innkuanih te'n Hong kimuak, bit, leh hong kipanpih ci-in na tel ding uh thupi hi. Kikepna munah a ni masa te pen na ta in naupang dangte meeltheih a, a saangsiate, mi pattah a siam te leh a dang naupang lam a siamte tawh a muanhui kizopna kipat nading tawh kisai ahi hi.

Victoria ah a om Khancil Naupang Pilsinna leh Donna nasepna (Early Childhood Education and Care services) pen *Khancil Kum Sinna leh Khantohna A paipi (Victorian Early Years Learning and Development Framework)* (VEYLDF) in a makaih a hi hi. Hih a thu paipi dan in mi pattah a siamte a hilh dan in naupangte'hihna, innkuani leh ngeina tawh kisai tangthu te in amau'te sinna leh khantohna a bawl to a hih lam a pulakhi. Naupang a keem siam te in a kibango naupangte' hihna te zahtakin a theih uh ciangin naupangte in a kimuak lam tel uh a, a hoih pen in sin to uh hi' (VEYLDF, 2016, pg. 12). Hih telsiamna in A masa Naupan lai Siamsinna leh Kikepna Nasepna ah meltheihna leh kipatciil hun sung nang leh na ta panpih nadingin mi pattah a siamte in a zat lampi pen bulkip sak ding hi.

Khancil Naupang Pilsinna leh Donna Nasepna (Early Childhood Education and Care Services) in mi pattah a siam te leh innkuanihite' sepkhopna pen hih a hoih geelna adingin a bulpi pen in a kohi hi. A kipatciil pan kizahtakna tawh sepkhopna pen nasepna pha i a hoih lakhkhatna khat ahi hi. Mi pattah a siam te pen thunop leh muaksiam ding leh na innkuani pau[te] zatna tha a pia dingin na lamen thei ding uh hi.

Hih nasepna in a kisam thute na theih nading leh dotna na dot theih nading in phone tungtawn a kampheenna tawh kizopna hong panpih thei a, tua kawm in nop na sak pen kampau tawh zong na theihnop thu te na zon beh thei ding hi. Tua banah, nasep a huh ding na innkuani pau a siam khat pen na ta in kizopna leh inntee tang lungsim a neih nadingin hun tomno sung kingah kha thei ding hi.

A hoih Khancil Naupang Pilsinna in innkuante pen 'naupangte' kisinna leh khantohna tungah a bulpi huzaap' bangin ngaihsun hi (VEYLDF, 2016, pg. 9). Mi pattah a siam te in hi malakna a kipatciil pan innkuanihite deihdan leh kihelpihna pen thupi kohi mah mah uh hi. Hih in mipattah a siam te' zatzia te hong thei sak bek thamlo, naupangte leh amaut'e' pilsinna leh a kiim a paam leh inn kikal ah muanna, bitna leh kizopna khanthoh theih nading zong huh a, tua in sinna te khangto sak hi. Innkuanihite zong hih nasepna a kipatciil hun-te ah hong kihelpih thei dingin hong kcial hi. Hih in na ta' adingin khamuanna a neihna ding leh na ompih theihloh ciang bang piang cih a tel theih nadingin a huh hi.

Hih naupang kepna malakna in nang leh na ta pen hih nasepna tawh na kivalak theih nading in theihsakna neih ding geelna nei ding uh hi. Tua laka kihel thei dingte;

- sangkah taktak a kipat ma-in a mun ah na ta tawh va hawhna
- nang leh na ta in nop nasak nading hun tomno tawh kipatna leh hun sau lak tohna

Naupang kipattung kikepna ah mi pattah a siamte in nang leh na ta tawh kisai thu dotna hong nei ding a, hun hong la ding uh hi. Hih kihona tungtawn in na ta' kisapna te telsiam zawk nading leh na ta in sinna ah phattuamna leh a hoih na-te a ngah theih nading geelna ah huhna pia ding hi.

Naupang kipattung kikepna pan na gen ding dotna hong kidong thei pawlkhatte;

- Na ta' cidamna tawh kisai thu-te – natna dalna zatui kisutna ciaptehnate, cidamna tawh kisai kisap-te, dam lohna te aihkeh kihuat pih te.
- Lupna deih dan, awnghawh nop dan leh inn ah om dan zia-te.
- Naupangte' nek an , an nek hun/ngeinate.
- Naupangte' tawlingak dan/Lup tawh kisai kisapna-te.
 - Lupna neu ah lum, amau' aituam luppna lum aihkeh luppoh kisamhiam?
 - Bang la-te ngai leh lung nuam ding?
 - A deih deuh uh laibu, a tuam vilvel nau milim aihkeh puanza a nei hiam?
 - Sun in bang hun in lum/ihmu zel uh ahi hiam?
- Bang pawi-te leh ngeina te in no innkuan ading in thupi ahi hiam?
- Mi pattah a siam te'n amau tungah na gen nop a dang thu khatpeuh zong hong theihsak nuam ding uh hi.
- Na ta tawh kizopna ah a pantahte a huh thei ding ahi a pantahte na theihsak nop na ta tawh kisai thu te zong na nei thei ding hi.

Naupang kikepna nasepna muna a om ciil na ta adang huhna lampi na piak theih te

- A mun ah na ta om pihin - hih kikepna mun kalsuan zia theisak in la, na pau zangin na ta tawh kimawl, tangthu gen leh la sak pih in.
- Naupang dang te tawh a kihopih nadingin amauta panpih in. Naupang dangte gei ah tu ding hanthotna, amau kiangah no leh no kipulakna, gamtatna leh kimawlta tuamtum ah kihelna tawh kipanpih thei hi.
- Na ta leh no mau pau bang a pau naupang dangte tawh kih in.
- Na ta tawh ama' ngaihsutna leh a muhnate genpih in la, hanthawn in thapia in.
- Na taa in amau a pattah ding te cian taka a theihna ding un a min uh theihsak in la, a kisap hun un sam thei ding uh hi cih theisak in. Amau a pantah ding te' min a sap zia ding nang tawh kisin sak in la, kisin sak in la, huhna ngen in.
- Na ta na ciahsan ding simin mangpha ci in la, tua ciangin na pi kik ding thu theisak hamtang in. Na ta na nusiat mai in a sia te leh/aihkeh a dang naupangte tawh kikholt nasepna khat ah a kihel theih nading na huhna tawh na ta na daih sak ding pen a hoih zia khat ahihi.
- Naupangte in dotna khatpeuh a dot theih nading leh amau' lunghihmawhna te na dawn kik theih nadingin naupangkikepna munah na paipih ma zan/zingkal hun bangin a hih ding uh leh muh ding uh kiim leh paam thu te kuppoh in.
- Na ta' i sangsiate leh a pantah ding te pen nang leh na ta neu hong huh dingin hih hun sungin om den ding uh cih na phawk in.

Etkakte

Department of Education and Training, 2016. *Victorian Early Years Learning and Development Framework*.